

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

De secundo

[urn:nbn:de:bsz:31-122776](#)

crescere debent paschalia nostra gaudia quorum incrementum promovebit hodiernum Evangelium, ubi consideranda veniunt

1. *Viatorum numerus.* Nam duo ex illis inquit Evangelista, videlicet ex ordine 70. discipulorum, quorum mentio fit Luc. 10. v. 1. & alter Cleophas appellatur, qui fuit germanus Josephi, alterius autem nomen non exprimitur, ibant.

Eranthi discipuli in summo propter mortem Christi moerore constituti, proinde ad relevandam tristitiam expatiantur bini, & solitudinem, quæ commune melancholicorum receptaculum est, quantum possunt, evitant. Hortantur nos suo exemplo, si tristitia & incertore gravemur, quod solitudinem ante omnia vitare, & vel unum è multis eligere debemus, in cuius gremium secretum cordis angorem tutò effundere possumus. Amicus enim dulcis est propter consilium animæ, Prov. 27. v. 9. Væ autem soli, quis ipsum eriger? Eccl. 4. v. 10.

2. *Peregrinationis tempus*, quando factum fit, prima scilicet hebdomadis die, quæ apud nos propter resurrectionem dominicam Dominica dicitur, ut Theophylactus notat, sed à meridiè circa vesperam, postquam cultus divinus jam peractus erat.

Si levandi animi gratiâ die dominicâ, vel etiam festis anniversariis parumper expatiari velis, ante omnia templum visita, & res sacras confice, verbum Dei audiendo, orando & psallendo, quæ vera sunt media recreandi animum, Psal. 19. v. 8. 9. exemplo Hannæ, 1. Sam. 1. v. 7. seqq. & viduæ illius octogenariae, Luc. 2. v. 37.

3. *Terminus*, qui duplex

i. àquo, Hic est Civitas Hierosolyma, ubi diutius nolunt commorari, quia cives

ejus Christum interfecerant. Ita fugite Vos mei, commercia improborum, si amicitiam Christi fovere & conservare velitis. Nulla enim est societas justitiae cum injustia, Christo cum Beliale, 2. Cor. 6. v. 15.

2. *Ad quem.* Nam in vicum abeunt, distantem ab Hierosolyma stadiis sexaginta, cui nomen Emaus. Emaus idem est quod arx firma. Talis est nomen Domini, quò tempore tribulationis confugere debemus, Prov. 18. v. 10.

4. *Dialogus.* Colloquuntur enim non de fabulis anilibus, sed de Jesu Nazareno, ejusque miserabili fato, quod superioribus diebus perpetius erat Hierosolymis.

Ita non sufficit interesse publicis feriarum paschalium conventibus, & per preces & psalmодias hostiam laudis Deo sacrificare, sed & hoc nobis incumbit, ut domi & foris in quavis conversatione beneficia nobis praæstata expendamus, & domesticis nostris commendemus, juxta admonitionem Pauli Col. 3. v. 16. 17. & ipsius Jehovæ Deut. 6. v. 7.

Væ autem illis, qui feriis hisce paschalibus in popinas Emaunicas proximorum pagorum, villarum & vicorum catervatim deambulant, verbis otiosis, stultiloquiis & obscenitatibus se recreantes, quæ Christians deinceps, Eph. 5. v. 4. si. enim de quovis verbo ἀπρόφητος aliquando ratio cuivis reddenda erit, videant quomodo excusent suam ἀστιάν, Matth. 12. v. 36.

De Secundo.

Sequitur pars altera, nimirum Christi associatio. Dum enim hisce de rebus alternatim sermones conferunt, ut vox græca ιμιλεῖ importat, ecce appropinquat Jesus, & comitem se adjungit, quo ipso ostendit, se esse

esse pastorem illum bonum & fidelem, qui relinquunt oves in deserto pascentes, & querit oviculam errantem, ut ad gregem eam reducat, Luc. 15. v. 4.

Describitur autem hæc Christi associatio-

1. *Juxta formam.* Non enim appareret ipsis in forma propria, sed tanquam viator, sicut anteā Mariæ Magdalena in forma hortulani apparuerat, Joh. 20. v. 15.

Inde duplex oritur consolatio, quā nos erigere possumus

1. *In rebus secundis.* Si enim partes officii nobis demandati pro virili exequimur, Dominum hunc presentem habemus, pastores pastorem, præceptores præceptorem, viatores viatorem, &c. qui labores nostros ex alto secundabit & promovebit. Tentatus enim per omnia compati novit infirmitatis bus nostris, & in quo passus est ipse, potest succurrere iis, qui tentantur, Ebr. 2. v. 18.

2. *In rebus adversis.* Si in forma peregrina sub cruce & calamitate nobis appareat, ne animum propterā desponeamus, sed certi sumus, ipsum in media tribulationum angustia nobis adesse, licet in parietis umbra, vel per cancellios intueatur nostrum certamen, sicut Antonio inter gravissimas Dæmonis vexationes præsens erat, juxta suavissimam consolationem, Es. 41. v. 10. II.

2. *Juxta normam,* quomodo se fœtus afficiaverit

1. *Coambulando.* Quantoperē lœtabatur Tobias ob suum comitem, & tamen nesciebat ipsum esse angelum & legatum altissimi? Tob. 5. v. 5. Nos scimus, non angelum, sed ipsissimum Dei filium nobis comitem sedadūjgere velle, quis igitur non exultet? Nam filius non est solus, sed Patrem secum habet, Joh. 10. v. 38 & quoniam à Patre & filio pro-

cedit Sp. S. hinc ubi sunt illi, ibi simul est utriusque Spiritus, adeoque tota benedicta Trinitas. Ubi Dominus ibi simul ministri adsunt, nimis nūm sancti angeli, qui mandata ejus exequuntur, Psal. 103. v. 20.

Si igitur vides hominem pium ambulare cum ipso Deum Patrem, qui non procul est ab unoquoque nostrum, quia in ipso sumus, vivimus & movemur, Act. 17. vers. 28. & Deum Filium, qui promisit te fore medium, ubi duo vel tres congregati fuerint, Matth. 18. vers. 20. & Deum Sp. S. cuius templa sunt omnes fideles, 1. Cor. 3. vers. 16. cogita etiam omnes angelos, ipsum comitari, qui sunt ministratori Spiritus emissi propter eos, qui hæreditare debent vitam æternam, Ebr. 1. v. 14.

O ambulacrum pulcherrimum! O comitatum glorioſissimum! Si Deus pro nobis, quis contra hos? Rom. 8. v. 31.

2. *Interrogando.* Quām primum enim appropinquat, statim interrogat discipulos: Qui sunt hi sermones, quos confeditis ad invicem ambulantes, & estis tristes?

Duo Christus quærit in his verbis:

1. *De sermone familiari,* quem inter ambulandum commutabant. Ita notat adhuc quām accuratissime sermones & colloquia nostra, ubidunque versamur, & aliquando rationem à nobis exigit. Proinde caveamas ne sermo corruptus egrediatur ex ore nostro, sed quæcumque verba, quæcumque pura, quæcumque honesta, justa & amabilia sunt, loquamur, Phil. 4. vers. 8. ne tristitia afficiamus Spiritum Sanctum, per quem obsignati sumus in diem redemptionis, Eph. 4. v. 29. 30.

2. *De angore singulari.* Novit enim tristitiam

tristitiam cordis, & gemitus nostri coram ipso non sunt absconditi, Ps. 38. v. 10. Quòd pertinent dicta Scripturæ, Psal. 10. vers. 14. 58. vers. 12. Si igitur mœrori tuo consul-tum cupis, ad Christum te confer, & mitigationem supplica, non derelinquet te or-phanan, Job. 14. vers. 18. dolet enim super miseris Israel, Jud. 10. v. 16.

3. *Informando.* Postquam enim Cleophas aperit ipsi tām colloquii materiam, vers. 18. 19. quām tristitiae scatebram, vers. 20. 21. 22. 23. 24. & eo ipso crassam suam ignorantiam prodit, prolixum Christus sermonem instituit, qui duabus partibus ab-solvitur.

1. *Est incredulitatis objurgatio*, vers. 25. Stultos nominat ob mentis cœcitudinem, tardos ob cordis in credendo difficultatem.

Apparet inde non esse mirum aut novum, si in visibili Ecclesiæ cœtu inveniantur stulti & tardi corde ad credendum omnibus, quæ Prophetae locuti sunt. Quando qui-dem Christus in Ia schola tales etiam ha-buit, qui tamen, ut Doctor ille cum erudita lingua, Esa. 50. v. 4. non concionatus est, ut Scribæ & Pharisæi, sed oī εξολανθων, Matth. 7. v. 29. qualiter non locutus est unquam ullus homo, Job. 7. v. 46.

Stulti & tardi corde sunt

1. *Pertinaces*, qui concionibus pœnitentiæ nil quicquam moventur, sed pergunt in peccatis, adeoque consilium Dei spernunt adversus se meti ipsos, Luc. 7. v. 30.

2. *Simplices*, qui conciones quidem fre-quentant, sed nihil proficiunt, de quibus Paulus 2. Tim. 3. v. 7.

3. *Sapientes*, hi sunt docti stulti, qui singula fidei mysteria ad rationis suæ quin-cuncem protervè examinant, vel præcon-ceptis opinionibus fascinati sunt, & illas

aceriter defendunt. Nam sapientia mun-di stultitia est coram Deo, 1. Cor. 1. vers. 20. 1. Cor. 3. 19.

Notent hoc

1. *Pastores*, ut ad exemplum Magistri sui stultos hosce & tardos corde citra ullum personarum respectum coram omnibus redarguant & non parcant, siquidem officium ministri Evangelici legitimè admini-strate velint, 2. Tim 4. v. 5.

2. *Audtores*, si quando ab animarum suarum vigilibus acriter ob stultitiam & tarditatem suam redarguantur, ne ipsis succen-seant, vel correctiones istas usque deique habeant, sed ad exemplum Cleophae & Comitis ejus patienter suscipiant. Qui enim cu-stodit increpationes, astutior deinde fit, & auris, quæ audit increpationes vitæ, in me-dio sapientum commorabitur, Prov. 15. vers. 31. C. 12. 1. C. 15. 5. C. 1. 5.

II. *Veritatis commonstratio*, quam de-sumit

1. *Ex decretri necessitate*, vers. 26. Non-ne hæc oportuit Christum pati, inquit, & introire in gloriam suam? Hæc necessitas premit omnes & singulos Christianos, A&t. 14. vers. 22. Ita decretum: Ita decreti stat sententia. Ego tollamus crucem no-stram & patienter sequamur. Nemo e-nim coronatur ante pugnam & victoriæ, 2. Tim. 2. vers. 5. Satanus invertit hunc ordinem. Clientibus suis promittit & largitur aliquid gloriolæ, quam postea sequitur æterna passio & ignominia; sed Christi ordo sic habet, ut prior sit passio, & sempiterna succedat gloria. Melius autem hæc breviter pati, quam in æternam perniciem præcipitari. Non enim condignæ sunt passiones hujus seculi glo-ria nobis revelanda, Rom. 8. v. 18.

2. *Ex Scriptura veritate.* Nam incipiens à Mose & omnibus Prophetis, interpretabatur illis Scripturas, quæ de ipso loquebantur, vers. 27.

Optimus igitur confirmandi doctrinam modus est, Scripturæ allegatio, cuius unicus & principalis scopus est Christus, & quod Moses & Prophetæ de ipso nunciarunt futurum, id Evangelistæ & Apostoli nunciavit completum. Est enim & *o*, Apoc. 1. v. 8. & quasi centrum Scripturæ, Ps. 40. v. 8. Joh. 5. v. 39. Act. 10. v. 43. Huc spectant va-ticinia clarissima de passione & resurrectione, itemque typi varii, quos adduxit

1. *è libris Mosaicis*, confer Gen. 3. v. 15. & Rom. 5. vers. 18. 19. Col. 2. v. 14. 15 item Gen. 12. v. 3. 18. v. 18. 22. v. 18. & Gal. 3. v. 8. 16. Ebr. 11. v. 18. Typi in Mose plures reperiuntur, cuius tota politia nil nisi paedagogia fuit ad Christum, Gal. 3. v. 24. & umbram habuit futurorum bonorum, Ebr. 10. v. 1. confer Gen. 17. v. 10. & seqq. & Col. 2. v. 11. Rom. 4. v. 11. Item: Exod. 12. v. 3. & 1. Cor. 5. v. 7. item Exod. 16. v. 14. & Joh. 6. v. 31. item Num. 20. v. 11. & 1. Cor. 10. v. 4. item Num. 21. v. 9. & Joh. 3. v. 14. adde Ebr. 7. v. 8. 9. 10. per totum.

2. *è libris Propheticis*. conf. Esa. 7. v. 14. & Matth. 1. v. 23. Jer. 33. v. 15. 17. & Luc. 1. v. 27. Mich. 5. v. 2. & Luc. 2. v. 5. Esa. 40. v. 3. itemque Mal. 3. v. 1. & Matth. 3. vers. 3. Joh. 1. v. 6. Pl. 118. v. 22. & Matth. 21. v. 42. Ps. 41. v. 10. 55. v. 13. 15. & Joh. 13. v. 18. Zach. 11. v. 12. 13. & Matth. 27. v. 5. 9. El. 50. v. 6. 53. vers. 2. 3. & seqq. Ps. 22. vers. 7. 8. 15. 16. & Matth. 26. v. 67. 27. v. 2. & seqq. Luc. 22. v. 66. Joh. 18. v. 28. 29. Ps. 16. v. 9. 10. El. 53. v. 9. & Matth. 27. v. 57. Luc. 23. v. 50. Joh. 19. v. 38. Of. 6. v. 2. 13. v. 14. Zach. 9. v. 11. & Matth. 28. v. 1. Marc. 16. v. 1. Luc. 24. v. 1.

Joh. 20. v. 1. 1. Cor. 15. v. 55. Mich. 2. v. 13. Psal. 68. v. 19. 110. v. 1. & Marc. 16. vers. 19. Luc. 24. v. 51. Act. 1. v. 9. Ebr. 1. v. 13. Eph. 4. vers. 8. &c.

Sic oportuit Christum pati, & intrare in gloriam suam. Sic prædixerunt Prophetæ per Spiritum Christi τὰ ἐπιχριστικά τὰ μετὰ τὰῦτα δόξας, 1. Pet. 1. v. 1L Unde possumus colligere non solum quod Christus sit verus Messias, sed etiam quod per passionem & resurrectionem suam æternam nobis redemptionem acquisiverit. Sicut enim propter peccata nostra mortuus est, ita resurrexit propter justitiam nostram, Rom. 4. v. ult.

De Tertio.

R Estat pars tertia *de resurrectionis mansi-ficatione*, cuius hinc describitur

I. *Modus.* Nam ubi ventum est ad castellum Emaus, fingebat Christus se longius iturum, sed manifestare decrevit resurrectionem suam.

Notanda igitur hinc sese offerunt

1. *Christi simulatio*, quam adhuc hodie in usu habet, præsertim sub cruce & persecutio-ne, ubi quandoque simulat, se discessum, vel absconditse, ut jures ipsum quām longissimē abesse, & tui curam depositisse, ut Zion lamentatur, Esa. 49. v. 14. & David, Psal. 31. v. 23. 44. v. 25. hic pertinet exemplum Gideonis, Jud. 6. v. 13. sed apage tales cogitationes. Dominus tecum est, & certamen tuum videtur expectat, quod Antonio respondebat.

Ecum blanditur Pater est, cum punit is idem est.

Sic homo ne pereat, deficiturve facit.

2. *Discipulorum invitatio*. Nam coge-bunt eum, inquit Evangelista, & dicebant: mane